



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM  
Komisija za vanjsku trgovinu i carine  
Broj : 01 /3-011-1020/03  
Sarajevo, 16. jula 2003.godine

**Z A P I S N I K**  
**sa 3. sjednice Komisija za vanjsku trgovinu i carine**  
**Predstavničkog doma Parlamentarne skupštine,**  
**održane 16. jula 2003. godine**

Sjednica je počela u 14 sati.

Sjednicom je predsjedavao Petar Kunić, predsjedavajući Komisije.

Sjednici su prisustvovali: Filip Andrić, Momčilo Novaković, Azra Hadžiahmetović, Fatima Leho, Ibrahim Đedović i Nikola Kragulj.

Opravdano odsustvovali sa sjednice Hasan Muratović i Mladen Potočnik.

Ispred Ministarstva vanjske trgovine i ekonomskih odnosa prisustvovala Seadeta Cerić, pomoćnika ministra vanjske trgovine i ekonomskih i člana pregovaračkog tima u Svjetskoj trgovinskoj organizaciji (WTO).

Za sjednicu Komisije je predložen i jednoglasno usvojen sljedeći

**D N E V N I R E D**

1. Usvajanje Zapisnika sa 1. i 2. sjednice Komisije
2. Analiza stanja izvoza i uvoza u Bosni i Hercegovinu
3. Orjentacioni radni plan Komisije
4. Ostala pitanja.

**Ad – 1**

Zapisnici 1. i 2. sjednice Komisije usvojeni su bez primjedbi jednoglasno.

**Ad-2**

**Analiza stanja izvoza i uvoza u Bosni i Hercegovini**

Informacije o izvozu i uvozu roba po sektorima, zemljama porijekla i proizvodnim principima za period 1998-2002. i januar -februar 2003. godine za područje Federacije BiH i Informaciju o vanjskotrgovinskoj razmjeni sa susjednim državama, dostavljenih od Ministarstva vanjske trgovine i ekonomskih odnosa bile su osnov za razmatranje navedene tačke.

Uvodnu napomenu za ovu tačku dnevnog reda dao je predsjedavajući Komisije ukazavši na debalans uvoza i izvoza u BiH. Potrebno je pokušati sagledati problem u ovoj oblasti i na koji način dati impuls odgovarajućim institucijama u preduzimanju mjera u povećanju izvoza koji je u odnosu na uvoz iznosi 26%.

Seadeta Cerić je napomenula da BiH nema vanjskotrgovinsku statistiku i da je u 2002. godini izvoz za 25% veći u odnosu na 2001. godinu. Bez povećanja izvoza nema perspektive i potrebno je povećati plasiranje izvoza roba na inostrano tržište. Evropa je dala povoljne uslove da BiH može izvoziti bez carina do 1.5.2004. godine, što je potrebno iskoristiti. BiH nema značajnih izvoznih i marketinških firmi. Republika Slovenija je zainteresirana da unaprijedi robnu razmjenu, što je jedna od značajnih mjera za unapređenje izvoza. Također sa Republikom Hrvatskom nešto je bolja robna razmjena, ali u turističkoj sezoni ograničava se prevoz kamionima preko 7,5 tona nosivosti čime je ograničen i umanjen promet odnosno izvoz roba.

Negativni su rezultati sa Srbijom i Crnom Gorom jer ne postoje Ugovori o slobodnoj trgovini, a za izvoz robe na Kosovo, BiH se naplaćuju različite tranzitne takse. Za sada je privremeno Odlukom Vijeća ministara suspendiran izvoz za Srbiju i Crnu Goru.

Ugovori o slobodnoj trgovini zaključeni su sa svim zemljama jugoistočne Evrope. Za izvoz je neophodno pregovaranje sa WTO, čiji član BiH nije postala. Mišljenja je da povećanjem akciza na visokotarifnu robu konkretno na cigareta, i to diferencirati po kvalitetu, za 50 pheninga donijelo bi 250 miliona KM godišnje prihoda. Akcize na domaću i uvoznju robu trebale bi biti iste. Sada BiH izvozi 60% predratnog izvoza u iznosu 1,2 milijardu. Subvencije su bitne u primarnoj poljoprivrednoj proizvodnji od domaće sirovine do finalnog proizvoda.

U diskusiji su učestvovali: Petar Kunić, Azra Hadžiahmetović, Momčilo Novaković, Fatima Leho, Nikola Kragulj, Filip Andrić.

Azra Hadžiahmetović je istakla da BiH ne koristi prefinjene metode protekcionizma kod izvoza robe. BiH kao dio jugoistočne Evrope je preuzela obavezu regulisanju Memoranduma razmjene spoljnotrgovinski segment robnog izvoza i uvoz BiH.

Pogodnosti ne koristimo jer nema političke volje ili nereagovanja na vrijeme. Međunarodni monetarni fond i Svjetska banka su utvrdile model male otvorene ekonomije za BiH. U koordinaciji sa državnim institucijama potrebno je uraditi vanjskotrgovinsku statistiku i izgraditi povoljniji vanjskotrgovinske trendove. Paralelno postići instrumente sa susjednim zemljama, obezbjediti primjenu određenih standarda u industriji i poljoprivredi kod proizvodnje robe, imati organiziran zajednički nastup sitnih proizvođača na svjetskom tržištu (npr. proizvođača vina).

Momčilo Novaković, je istakao da je važno identifikovati prepreke bitne za povećanje izvoza i preduzeti mjere za unapređenje izvoza. Sugerisati izvršnoj vlasti preduzimanje odgovarajućih mjera za uspostavljanje jedinstvene carine, odnosno jedinstvene carinske politike.

Fatima Leho, je istakla da analiza izvoza i uvoza nije loša. Sadašnji izvori Svjetske banke i MMF najviše su utrošeni za izgradnju infrastrukture. BiH putem CB u inobankama na depozite može osigurati preko komercijalnih banaka dio sredstava. Korišćenjem protekcionizma i akcijom "Kupujmo domaće" su mjere za podsticaj poljoprivredne proizvodnje.

Nikola Kragulj je predložio da se od carinskih uprava zatraže podaci po grupama proizvoda o izvozu i uvozu robe; organizirati sastanak sa predstavnicima Vanjskotrgovinske komore BiH; preporučiti Vijeću ministara da se hitno završe radnje oko realizacije odredbi Zakona o veterinarstvu BiH, Zakon o mjeriteljstvu BiH, Zakona o standardizaciji BiH; povećati akciza za izvoz visokotarifne robe nadomjestiti sredstva za subvencioniranje podsticaja poljoprivredne proizvodnje; akcize na cigarete i naftu uskladiti sa akcizama zemalja u okruženju.

Komisija je jednoglasno zaključila da se :

a) uputi dopis Upravi carina Federacije BiH i Republike Srpske, imajući u vidu da nije uspostavljena vanjskotrgovinska statistika pri Agenciji za statistiku BiH, s molbom za dobijanje podataka o izvozu i uvozu roba prema grupama proizvoda ostvarenog u periodu 2000-2002 godine i prvih šest mjeseci 2003.godine;

b) sugeriše Vijeću ministara da putem resornih ministarstava i nadležnih ministarstava entiteta hitno pristupi donošenju instrumenata na osnovu važećih zakonskih propisa iz oblasti vanjskotrgovinske politike u pravcu izvoza i uvoza roba;. i sugeriše, ukoliko je moguće, da se preispita usklađivanja akciza kod izvoza visokotarifne robe sa zemljama u okruženju;

c)upriličili sastanak s predstavnicima Vanjskotrgovinske komore Bosne i Hercegovine privrednih komora entiteta ( dopis bi se uputio n/r direktora) a pozvali bi se na član 6. 2. a) i b) Zakona o vanjskotrgovinskoj komori (koji se između ostalog odnosi na razvoj i unapređenje vanjskotrgovinske politike i carinske politike i tarife);

d) sugeriše Upravnom vijeću Centralne banke BiH, na osnovu odredbi Zakona o Centralnoj banci BiH, razmotranje mogućnosti da se dio kamata na kratkoročne kredite koje CB ima u inobankama preusmjeri u "Fond za podsticaj poljoprivredne proizvodnje" čije bi formiranje predložili;

e) nakon dobijanja podataka o izvozu i uvozu prema strukturu proizvoda u BiH, Komisija će u saradnji sa nadležnim ministarstvima organizirati okrugli sto na temu:"Uvoz i izvoz u Bosni i Hercegovini" gdje bi se pozvali predstavnici državnih institucija i entiteta (nadležnih ministarstava), vanjskotrgovinske komore BiH ,komora entiteta i stručnjake iz prakse.

### **Ad-3**

#### **Orjentacioni radni plan Komisije**

U Orjentacionom radnom planu Predstavničkog doma utvrđenog od strane Kolegija Predstavničkog doma u proširenom sastavu 12. maja 2003. godine sadržani

su najznačajniji zadaci sa sadržajem, rokovima izvršenja iz oblasti zakonodavne i Analitičko-informativne aktivnosti doma.

Plan Komisije na osnovu djelokruga poslova i navedenog plana Doma izrađen je za period juli-decembar 2003. godine:

## **I. Zakonodavna aktivnost**

1. Razmatranje Zakona o izmjenama i dopunama Zakona vanjskotrgovinskoj politici
2. Zakon o carinskoj službi Bosne i Hercegovine

Rok: juli

Napomena: navedeni Zakoni od Vijeća ministrara BiH kao ovlašćenog predlagača nisu upućeni u parlamentarnu proceduru, radi čega prema navedenom planu rok neće biti ispoštovan.

Svi podneseni prijedlozi zakona od strane ovlaštenih predlagača, a koji nisu obuhvaćeni Planom a iz nadležnosti su Komisije, biće razmatrani u redovnoj proceduri u skladu s odredbama Poslovnika.

## **Analitičko-informativna aktivnost**

U navedenom periodu Komisija će obavljati i analitičko-informativneaktivnosti nakon što materijali–izvještaji budu dostavljeni Parlamentarnoj skupštini, odnosno Predstavničkom domu.

Prema djelokrugu poslova Komisija bi razmatrala u narednom periodu:

**Informaciju o provođenju zakona koje je usvojila Parlamentarna skupština BiH**

**Informaciju o provođenju carinske i vanjskotrgovinske politike.**

## **Odluke o davanju saglasnosti za ratifikaciju međunarodnih ugovora**

U narednom periodu Komisija će, iz okvira djelokruga poslova, razmatrati međunarodne ugovore i podnostiti izvještaje Predstavničkom domu.

Zaključeno je da se navedeni Plan prihvati.

Imajući u vidu da je Orjentacioni radni plan Predstavničkog doma rađen bez Programa rada Vijeća ministara BiH, nakon njegovog dobijanja biće usklađene aktivnosti Komisije.

Sjednica je završena u 16:00 sati.

Sekretar Komisije  
Emira Češljar

Predsjedavajući Komisije  
dr. Petar Kunić